

Privredno društvo za proizvodnju i transport gasa

"BH-Gas" d.o.o. Sarajevo

Broj: 01-AN-0402-4671 /21

Sarajevo, 15-12-2021

Na osnovu 70. Zakona o javnim nabavkama BiH (Sl. glasnik BiH br. 39/14), člana 51. Statuta "BH-Gas" d.o.o. Sarajevo i člana 62. Pravilnika o nabavci roba, vršenju usluga i ustupanju radova BH-Gas-a d.o.o. Sarajevo, Ugovorni organ donosi

ODLUKU **o poništavanju postupka javne nabavke**

Član 1.

Poništava se postupak javne nabavke za izbor najpovoljnijeg ponuđača za nabavku: Izbor vanjskog revizora za obavljanje poslova revizije finansijskih izvještaja za 2021./2022. godinu i sačinjavanje izvještaja koji su definisani Ugovorom o kreditu sa EBRD-om u skladu sa članom 69. stav (2) tačka d. Zakona o javnim nabavkama BiH.

Član 2.

Shodno članu 70. stav 6. Zakona o javnim nabavkama BiH, Odluka se objavljuje na internetskoj stranici BH-Gasa.

Član 3.

Ova Odluka stupa na snagu danom donošenja.

Obrazloženje

Ugovorni organ je dana 13.10.2021. godine objavio na Portalu javnih nabavki obavještenje br. 876-7-2-130-3-17/21 za predmetnu nabavku. Nakon uložene žalbe na tendersku dokumentaciju, Ugovorni organ je izvršio izmjenu tenderske dokumentacije i ispravku obavještenja o nabavci. Otvaranje ponuda je bilo zakazano za 10.11.2020. godine u 13,30 sati.

Do krajnjeg roka za dostavljanje ponuda, ponude su dostavili sljedeći ponuđači:

1. Baker Tilly Re Opinion d.o.o. Sarajevo, Bosna i Hercegovina je dostavio ponudu sa ukupnom vrijednošću ponude od 20.000,00 KM bez PDV-a, dok cijena usluge za jednu godinu iznosi 10.000,00 KM. Ponuđač nije ponudio popust. Plaćanje će se vršiti pojedinačno za svaku godinu najkasnije 15 (petnaest) dana nakon predaje finalnog izvještaja o izvršenoj reviziji. Rok za izvršenje revizije je ½ dana. Rok za izvršenje predrevizije je ½ dana.
2. Grant Thornton d.o.o. Banja Luka, je dostavio ponudu sa ukupnom vrijednošću ponude od 20.000,00 KM bez PDV-a, dok cijena usluge za jednu godinu iznosi 10.000,00 KM. Ponuđač nije ponudio popust. Plaćanje će se vršiti pojedinačno za svaku godinu najkasnije 15 (petnaest) dana nakon predaje finalnog izvještaja o izvršenoj reviziji. Rok za izvršenje drevizije je / dana. Rok za izvršenje predrevizije je / dana.

Nakon detaljne analize ponuda, konstatovano je da oba ponuđača ispunjavaju opšte uslove ponude, međutim s obzirom da je kriterij ponude bio ekonomski najpovoljnija ponuda, ponuđači su dostavili nerealne i neusklađene rokove za izvršenje usluga revizije i predrevizije, suprotno Dinamičkom planu revizije iz Anexa br. 7. Pored cijene, rokovi izvršenja revizije i predrevizije su bili kriteriji za ocjenu ponuda.

Iz navedenih dokaza /Anex 2 b i Anex 2c, kao i Dinamički Plan -Anex 7) se može utvrditi da su ponuđači ponudili nerelane termine, odnosno da je ponuđeni broj od 0 (nula) dana ili ½ (polu) dana za obavljanje poslova iz predmeta nabavke nerealan i neprihvatljiv, imajući u vidu obim posla.

Dakle, obavljenje poslova predrevizije i revizije finansijskih izvještaja podrazumijeva prikupljanje podataka, sačinjavanje izvještaja itd., što je nemoguće izvršiti za 0 (nula) dana ili ½ (pola) dana kao je to navedeno u ponudama ponuđača.

Imajući u vidu navedeno, ponude oba ponuđača su ocijenjene kao neprihvatljive te je odlučeno kao u dispozitivu odluke.

PRAVNA POUKA:

Protiv ove odluke može se uložiti žalba u roku od 5 (pet) dana od dana prijema iste u skladu sa članom 101. stav (5) Zakona o javnim nabavkama BiH. Žalba se podnosi neposredno na adresu ugovornog organa: BH-Gas d.o.o. Sarajevo, Obala Kulina bana 8/III, 71000 Sarajevo, u najmanje 3 (tri) primjerka.

Dostaviti:

- Ponuđačima
- Članovima komisije
- Sektoru ekonomsko-finansijskih poslova
- a/a

UPRAVA BH-GAS D.O.O.

v.d. IZVRŠNI DIREKTOR


Jasmin Skenderagić



v.d. DIREKTOR


Mihajlo Krmpotić